


BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

Komisija za ostvarivanje ravnopravnosti spolova u BiH
Broj: 01/8-011-564/02.
Sarajevo, 17.06.2002.godine.

Bosna i Hercegovina
PARLAMENTARNA SKUPŠTINA
BOSNE I HERCEGOVINE
SARAJEVO

Prilježeno: 03.10.2002			
Org. jed.	Broj	Prilog	Vr. jednost
01/8-011-564/02			a/g

3

ZAPISNIK

Sa 10. sjednice **Komisije za ostvarivanje ravnopravnosti spolova u BiH** održane 11.06.2002. godine u Sarajevu u Parlamentarnoj skupštini BiH.

Sjednici Komisije prisustvovali su:

- Kamberović Violeta, predsjedavajući komisije,
- Osmanović Bahrija, prvi zamjenik predsjedavajućeg Komisije,
- Baković Mirko, član Komisije,
- Mašović Amor, član Komisije,
- Neimarlija Hilmo, član Komisije,

Odsustvovali su: Stokić Dušan, drugi zamjenik predsjedavajućeg, te Malkić Abdurahman, Momir Tošić i Mirsad Purić, članovi Komisije.

Sjednici je prisustvovala i gospođa Salih Duderija, u ime predlagača, Vijeća Ministara BiH.

Sjednici je prisustvovao i sekretar Komisije Dr. Zijad Hasić.
Sjednica je otpočela sa radom u 11.00 sati.
Za sjednicu je usvojen slijedeći:

DNEVNI RED:

01. Usvajanje zapisnika sa 9. sjednice Komisije,
02. Rasprava o Zakonu o ravnopravnosti i jednakosti spolova u BiH,
03. Tekuća pitanja.

Ad. – 1 Usvajanje zapisnika sa 9. sjednice Komisije

Nakon usvajanja dnevnog reda, predsjedavajući Komisije, g-da Kamberović Violeta je pozdravila sve prisutne članove Komisije i gosta. Predložila je diskusiju i usvajanje zapisnika sa 9. sjednice.

O zapisniku nije bilo diskusije.

Komisija je jednoglasno usvojila Zapisnik s 9. sjednice Komisije.

Ad. – 2 Rasprava o Zakonu o ravnopravnosti i jednakosti spolova u BiH,

U uvodnom izlaganju za drugu tačku dnevnog reda, predsjedavajući Komisije, g-đa Kamberović je prezentirala dosadašnje aktivnosti u postupku donošenja Zakona o ravnopravnosti i jednakosti spolova (u daljem tekstu: Zakon). Ona je ujedno predložila da se na ovoj sjednici izjasnimo o tekstu Zakona uz razmjenu mišljenja o predloženom Zakonu, te da se Komisija izjasni o pristiglim amandmanima. Kostatovano je da su pristigli amandmani člana Komisije g. Amora Mašovića, kao i od Kluba poslanika PDP, SNSD, DSP, SPRS i SNS. Predsjedavajući je istakla da je Zakon, u proceduri donošenja, došao u svoju završnu fazu pred Komisijom. Nakon otvaranja rasprave i rezultata te rasprave sa prošle sjednice Komisije, danas se Komisija izjašnjava o pristiglim amandmanima, kao i o cjelokupnom tekstu zakona. Diskusija se odvijala u zavisnosti koji je član Zakona razmatran, jer se krenulo metodom izjašnjavanja o svakom članu posebno.

G-đa Osmanović je podržala cjelokupnu dosadašnju aktivnost na donošenju Zakona, saglasivši se sa tekstom Zakona, te je predložila da se držimo procedure odlučivanja o ovom zakonu, da bi se on što prije usvojio i prije izbora bio u primjeni. Izrazila je sumnju u poštovanje predloženog procenta žena koje trebaju participirati u vlasti, ali se nada da će donošenje zakona voditi ka ravnopravnosti spolova. Zalagala se za to da se odredi procenat učešća žena u javnom, političkom životu i to u zavisnosti koliko žena ima u ukupnoj populaciji stanovnika.

G. Hilmo Neimarlija i g. Mirko Baković su dali konstruktivne prijedloge u toku izjašnjavanja Komisije o svakom članu predloženog Zakona, kao i predloženim amandmanima.

G. Mašović je iznio veliki broj primjedbi u vidu svojih amandmana. Amandmane je isticao prilikom izjašnjavanja o svakom od članova Prijedloga Zakona. Istaknuti su slijedeći amandmani:

Amandman I

U nazivu Zakona brisati riječi «i jednakosti».

Amandman II

U članu 1.

iza riječi «**spolu**» brisati zarez i staviti tačku te brisati riječi: «**a imajući u vidu stanje zastupljenosti spolova u javnom životu, ovim zakonom nastoji se naročito poboljšati položaj žena**».

Amandman III

U članu 3. stav 1.

iza riječi «**razlikovanje**» i zareza dodati riječ «**privilegiranje**» i staviti zarez.

Amandman IV

Član 15. stav 3. mijenja se i glasi:

«**Radi ravnopravne zastupljenosti spolova, procenat učešća spolova u tijelima vlasti na svim nivoima uključujući sudsku, zakonodavnu i izvršnu vlast, kao i sve ostale**

javne službe, komisije i odbore, uključujući i učešće u tijelima koja predstavljaju državu na međunarodnom nivou u pravilu će odražavati ravnopravnu zastupljenost spolova» i dodaje se stav 4. koji glasi:

«U primjeni prava iz stava 3. ovog člana, u slučaju da kandidovane osobe jednako ispunjavaju sve predviđene uslove, prednost ima kandidovana osoba manje zastupljenog spola».

Amandman V
Član 20. briše se.

Amandman VI
U članu 25. stav 2.
iza riječi «zaštitom» briše se riječ «ženskih».

Komisija za ravnopravnost spolova jednoglasno je usvojila amandman poslanika Amora Mašovića, a raspravljajući o članovima Zakona i amandmanima Kluba poslanika PDP, SNSD, DSP, SPRS i SNS, odbila sve njihove amandmane.

Na kraju diskusije Komisija je jednoglasno usvojila tekst Prijedloga Zakona o ravnopravnosti spolova sa usvojenim amandmanima poslanika g. Amora Mašovića i zaključila da je predloženi zakon neophodno donijeti, te da se prijedlog Zakona o ravnopravnosti spolova u Bosni i Hercegovini uputi Predstavničkom domu Parlamentarne skupštine Bosne i Hercegovine u daljnju proceduru usvajanja. Ujedno je Komisija, u smislu člana 89. Poslovnika Predstavničkog doma Parlamentarne skupštine BiH imenovala g-đu Violetu Kamberović, za izvještača pred Predstavničkim domom, za ovaj zakon.

Ad. - 3 Tekuća pitanja.

Nije bilo nikakvih tekućih pitanja.

Ovim je završena 9. sjednica Komisije.
Sjednica je završena u 12.30. sati.

SEKRETAR KOMISIJE

Dr. Zijad Hasić
Dr. Zijad Hasić

PREDSTJEDAVAJUĆI KOMISIJE

Violeta Kamberović s.r.
Violeta Kamberović s.r.

